

SAOPĆENJE

ZA OBJAVU

POTPISAN MEMORANDUM O SARADNJI

Zajedničkim djelovanjem do većeg učešća iseljništva u razvoju BiH

(Sarajevo, 14. august 2019. god.) U Sarajevu je potpisan Memorandum o saradnji između Ministarstva za ljudska prava i izbjeglice BiH i Grupacije Naša perspektiva, čime su se strane potpisnice usaglasile da će doprinijeti većem angažmanu iseljništva u društveno-ekonomskom razvoju BiH.

Saradnja potpisnica Memoranduma će se odvijati u sljedećim područjima: međusobno informisanje i razmjena informacija, umrežavanje sa različitim akterima u iseljništvu i BiH, zagovaranje i zajednički nastup ka institucijama u BiH u cilju većeg uključivanja iseljništva u razvoj javnih politika, pružanje kvalitetnijih usluga iseljništvu uključujući informisanje o pravima članova iseljništva u BiH i zajedničko pružanje podrške ulagačima, obostrana promocija, te saradnja na bilo kojim drugim aktivnostima u cilju jačanja uloge iseljništva u društveno-ekonomskom razvoju BiH.

Ministarstvo za ljudska prava i izbjeglice BiH je nadležno za kreiranje politike Bosne i Hercegovine prema iseljništvu. U okviru ovog Ministarstva djeluje Sektor za iseljništvo, koji ima dva odsjeka: Odsjek za statusna pitanja i informiranje iseljništva i Odsjek za privrednu, obrazovnu, naučnu i kulturnu saradnju. Grupacije Naša perspektiva već 10 godina radi na involviranju iseljništva u razvoj BiH. U sklopu Grupacije djeluje Biznis centar bh.dijaspore, Globalna razvojna mreža bh.dijaspore, te Biznis forum bh.dijaspore – BHdiaFor koji se svake godine organizira na drugoj lokaciji u BiH.

'Potpisivanjem ovog dokumenta naša organizacija je dobila veliko priznanje za svoj dosadašnji rad. Do sada smo već ostvarili prisnu saradnju sa Ministarstvom, međutim kroz potpisivanje ovog sporazuma očekujemo da će ta saradnja biti još bolja i da će u konačnici rezultirati u povećano učešće iseljništva u razvoj BiH', istakao je Armin Alijagić, predsjednik Grupacije Naša perspektiva.

Izrada i potpisivanje Memoranduma je podržano kroz MATRA projekat "Jačanje uloge bh.dijaspore u kreiranju politika u Bosni i Hercegovini", koji finansira Ambasada Kraljevine Nizozemske u BiH.

k r a j

Kontakti:

Armin Alijagić, +387 65 766 882, armin@nasaperspektiva.ba, www.nasaperspektiva.ba

Grupacija Naša perspektiva
Predsjednik, Armin Alijagić